



USAID
OD AMERIČKOG NARODA



Projekat razvoja tržišne poljoprivrede II (FARMA II)

Program pomoći američkog i švedskog naroda

Zahtjev za ponudu: Organizacija studijskih posjeta za savjetodavce

Projekat USAID/Sweden FARMA II je usmjeren na razvoj poljoprivredno-prehrambenog sektora u BiH i pruža podršku u sektorima mljekarstva, peradarstva, voća i povrća, ljekovitog i aromatičnog bilja i pčelarstva. Projekat pruža tehničku i finansijsku pomoć organizacijama iz privatnog sektora, te saraduje sa javnim sektorom u cilju ostvarivanja potrebnih regulatornih promjena koje ograničavaju razvoj poljoprivrede.

Od potencijalnih davaoca usluga vezanih za organizaciju studijskih posjeta u Sloveniji (za poljoprivredne savjetodavce iz javnog sektora) očekujemo da daju ponudu na osnovu sljedećih parametara:

1. Modul 1: Stočarstvo i ratarstvo

Ovaj modul trebao bi obuhvatiti tri oblasti: (I) Ishrana muznih krava (uključujući teme: Balansiranje obroka; Uticaj obroka na kvalitet mlijeka; Proteini u ishrani krava – normiranje razgradivog i nerazgradivog proteina; itd.), (II) Proizvodnja stočne hrane (Spremanje silaže i sjenaže; Kvalitet silaže i sjenaže; Objekti za silažu i sjenažu; Gubici silaže i sjenaže; Mehanizacija za pripremu i korištenje silaže i sjenaže), i (III) Proizvodnja sira. Tokom studijske posjete očekuje se kombinovani teoretski i praktični rad sa manjom grupom savjetodavaca. Ukupno trajanje studijskog putovanja je 5 dana (4 noćenja).

2. Modul 2: Pčelarstvo

Edukacije iz oblasti pčelarstva trebale bi uključiti teme poput organske proizvodnje u pčelarstvu, konvencionalno pčelarstvo, uspostavljanje HACCP sistema u pčelarstvu, i slično. Ukupno trajanje studijskog putovanja je 5 dana (4 noćenja).

3. Modul 3: Zaštita zdravlja bilja

Posmatrani model trebao bi obuhvatiti sljedeće teme: Organska zaštita povrća (na otvorenom i u plastenicima); Suzbijanje najvažnijih biljnih bolesti i štetnika u voćarstvu, ratarstvu i povrtarstvu; Finansiranje rješavanja ekonomski štetnih organizama; Oprema za primjenu pesticida (kalibracija, održavanje i priprema prskalica); Zaštitna oprema (lična) koja se koristi prilikom primjene pesticida; i slično. Ukupno trajanje studijskog putovanja je 5 dana (4 noćenja).

4. Modul 4: Berba, skladištenje i pakovanje voća i povrća

Predviđeno je da ovaj modul pokrije sljedeće teme: Savremeni postupci i mehanizovana berba voća i povrća; Suzbijanje najvažnijih fizioloških, mikrobioloških bolesti i štetnika na uskladištenom voću i povrću; Ambalaža i pakovanje; Hladnjače – skladištenje voća i

Ured Sarajevo
Tel: +387 (0)33 295 320
Fax: +387 (0)33 295 319
Fra Anđela Zvizdovića 1/B-18
71000 Sarajevo

Ured Tuzla
+387 (0)35 265 111
+387 (0)33 265 110
Maršala Tita 34A/3
75000 Tuzla

Ured Banja Luka
+387 (0)51 928 462
+387 (0)51 928 375
Vidovdanska bb/I (PC Krajina)
78000 Banja Luka

povrća; Upotreba sredstava koja poboljšavaju skladišnu sposobnost proizvoda – voća i povrća; i slično. Ukupno trajanje studijskog putovanja je 5 dana (4 noćenja).

5. Modul 5:

Studijska posjeta sajmu poljoprivrede AGRA, Gornja Radgona. Cilj ovog studijskog putovanja je upoznavanje sa novim tehnologijama i trendovima u primarnoj poljoprivrednoj proizvodnji i preradi proizvoda. Pored toga, kroz ovaj modul polaznike treba upoznati sa funkcionisanjem i radom stručnih službi u Sloveniji, te sa zakonskom regulativom EU relevantnom za sektor poljoprivrede i rad savjetodavnih službi u BiH. Ukupno trajanje studijskog putovanja je 3 dana (2 noćenja).

Broj učesnika za studijska putovanja za module 1-4 je 5 savjetodavaca, dok se za modul 5 očekuje učešće 20 savjetodavaca.

Ponuda treba da sadrži:

- Ukupne troškove organizacije za svaku od planiranih studijskih posjeta po detaljima navedenim gore;
- Za modul br. 5 od ponuđača se očekuje da uz cijenu precizira i trošak ulaznice za sajam po učesniku.
- Okvirni programa posjeta za organizaciju svakog modula studijskog putovanja, kao i biografije ključnih predavača koji će biti uključeni u edukacije i organizacije posjeta farmama, siranama i sajmovima.

Ponuda ne treba da uključuje troškove ulaznica na sajam, prevoza, hotelskog smještaja i ishrane tokom studijskog putovanja.

USAID/Sweden FARMA II očekuje do kraja 2018. godine (i moguće u toku 2019. godine) da organizuje studijske posjete po navedenim modulima za odabrane savjetodavce, uz eventualno učešće predstavnika privatnog sektora za neke od modula.

Ponudu dostaviti **najkasnije do 13. avgusta 2018. godine u 15:00 sati**, na engleskom ili jednom od jezika BiH, putem email adrese info@farmabih.ba. Poziv je namjenjen za organizacije/kompanije (ne za individualna lica). Uz ponudu dostaviti kratki opis ponuđača sa navedenim iskustvom u organizaciji i pružanju usluga edukacije iz traženih tema u posljednjih 5 godina te referenc listu klijenata. Valuta za ponudu je EUR i treba da uključuje sve troškove (PDV ukoliko je primjenjiv).